

Na sesión celebrada na data que se indica, adoptouse o seguinte

ACORDO:

Na cidade de Ourense, a vinte de novembro de dous mil un

Visto o expediente o expediente de clasificación do monte como veciñal en man común denominado Monte Rapado e Caberteña, por solicitude dos veciños dos lugares de San Vitorio e Casas de Veiga, do Concello de Xinzo de Limia (Ourense)

Resultando que con data 18 de febreiro de 1998, tivo entrada no rexistro da delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños dos lugares de San Vitorio e Casas de Veiga, Concello de Xinzo de Limia (Ourense), solicitando se declare o monte " Monte Rapado e Caberteña "como veciñal en man común.

Resultando que o Xurado provincial en sesión celebrada en data 2 de xuño de 1999, acordou tomar en consideración o citado escrito e inicia-lo expediente de clasificación do monte designando instructores do mesmo a D. Manuel Bouzas Costa e d. Abel Carvajales Santaefemia, que aceptaron tal cargo, librándose mandamento para a anotación preventiva no Rexistro da Propiedade de Xinzo de Limia, e remitíndose comunicacións dirixidas ós veciños do lugar de San Vitorio e Casas de Veiga, ó Ilmo.

Sr. Presidente da Deputación provincial de Ourense, ó sr. Alcalde do Concello de Xinzo de Limia , á Delegación provincial da Consellería de Política Territorial, Obras Públicas e Vivenda , á Xerencia Territorial do Catastro, e ó Xefe do Servicio de Montes e Industrias Forestais, e á Delegación provincial da Consellería de Agricultura, Gandería e Política Agroalimentaria: Servicio de Estructuras e Desenvolvemento Rural, publicándose edictos no Diario Oficial de Galicia e no taboleiro de anuncios do Concello de Xinzo de Limia , durante o prazo dun mes segundo consta en dilixencia estendida ó dorso do edicto polo secretario do citado concello, que durante o prazo sinalado en edictos para que os interesados puidesen comparecer ou intervir nel, en defensa dos seus dereitos, non consta presentada ningunha alegación..

Resultando que con data 21 de febreiro de 2001 presentan alegacións os promotores do expediente de clasificación solicitando que a mesma se realice tamén a favor dos lugares de Ganade xa que na solicitude inicial sufriran un erro por omisión e a clasificación pediuse soamente para os veciños de San Vitorio e Casas de Veiga .

Resultando que na instrución do expediente se comprobaban polos testemuños dos veciños a pertenza do monte ós veciños de tódolos lugares da parroquia de Ganade agás o lugar da Gorgoloza .

Resultando que a anotación preventiva de iniciación do expediente, practicouse no Rexistro da Propiedade de Xinzo de Limia , como segue:

Anotación preventiva letra A de iniciación do expediente de clasificación da finca rexistral 26.615, ó folio 211, do tomo 710, Libro 176 de Xinzo.

Resultando que na tramitación do expediente cumpríronse tódalas formalidades legais.

Considerando que o Xurado provincial de Clasificación de Montes Veciñais en Man Común, ten xurisdicción e competencia para coñece-los expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de Montes Veciñais en Man Común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comuneiros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños dos lugares da parroquia de Ganade agás o lugar da Gorgolaza , no Concello de Xinzo de Limia

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños dos lugares da parroquia de Ganade agás o lugar da Gorgolaza , están conformes coa clasificación do citado monte como veciñal en man común.

Considerando que a teor do disposto na Lei de Montes Veciñais en Man Común, o expediente de clasificación se iniciou por acordo do xurado, a instancia dos veciños , para que este xurado puidese acorda-la iniciación do expediente de clasificación.

Vista a Lei Galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro , así como o establecido na Lei de réxime xurídico das administracións públicas e do procedemento administrativo común do 26 de novembro de 1992.

Visto o Decreto 482/1997, do 26 de decembro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

**A C O R D A:**

Primeiro. - Clasifica- lo monte denominado Monte Rapado e Caberteña, de 50 ha, aproximadamente en conxunto, de superficie a favor dos veciños dos lugares da parroquia de Ganade agás o lugar da Gorgoloza , no Concello de Xinzo de Limia , e cos datos quea seguir se relacionan ,coma veciñal en común, en réxime de comunidade xermánica.

**Concello:** Xinzo de Limia ( Ourense)

**Denominación:** “Monte Rapado e Caberteña”

**Comunidade propietaria:** veciños dos lugares da parroquia de Ganade agás o lugar da Gorgoloza

**Superficie:** 50 Has., aproximadamente.

**Estremas:**

**Norte:** camiño veciñal, Francisco Conde Colmenero, Alfredo Casal Feijóo, Serafín Do Muíño Rodríguez e outros terreos dos veciños de Ganade.

**Sur:** Termo Municipal de Porqueira.

**Leste:** Camiño público, Francisco Martínez Parada, José Martínez  
González e outros veciños de Ganade:  
**Oeste:** Termo Municipal de Porqueira.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ó Sr. Alcalde-Presidente do Concello de Xinzo de Limia , ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin a vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común, e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)





